

洛甯縣志卷之八

政事部

貢賦志

雜課附

倉儲附

蠲免附

當湖陸子修靈壽志賦役一門最詳極論歷代徵稅擾民之弊獨尊我

朝 良法美意可行之萬世而無弊矧

皇上愛育黎元恩膏疊浦蠲免賑卹史不絕書近復命各省修定賦役全書稍有不便於民者盡行刪改吾民何幸休養生息於 太平之世也乎洛邑山多田少有竹地水地川地崗地坡地之分百餘年來無曠土無游民亦無逋賦耕鑿飲食熙熙穰穰若登春臺在上者寓撫字於催科嚴黠吏之影射禁暴胥之

洛甯縣志

卷八

貢賦志

一

翊中石印館印

滋弊寬一分則民受一分之福矣襍稅本周官九賦遺制倉儲為常平社義良法牽連載之宜何如豐歉有備惠我嘉師也

戶口

康熙三十三年戶一萬三百四十二戶口三萬六千六百二口

乾隆五十四年戶三萬一千五百零四戶口一十五萬五千六百九十八

口

原額人丁一萬九千五百八十七丁徵丁銀二千七百四十二兩一錢八

分內除逃亡人丁六千三百七十三丁逃亡丁銀一千八百九十八兩四

錢九分又乾隆三十六年奉文編審

盛世滋生戶口人丁六千二百八十五丁永不加賦現在徵賦人丁六千九百

二十九丁內分

上丁七十八丁每丁徵銀五錢

中丁一千二百五十四丁每丁徵銀二錢四分
下丁五千五百九十七丁每丁徵銀九分

以上三則共派丁銀八百四十三兩六錢九分遵照雍正四年內題准
部覆就一邑之丁糧均派於本邑地糧之內無論紳衿富戶不分等則一
例輸將計每地糧一兩該攤派丁銀四分三厘一毫四絲八忽六微九纖
一沙五塵三埃二渺二漠

田賦

原額七等共地八千二百六十一頃二十一畝八分九毫一絲原額銀四
萬二千八百三兩四錢一厘又萬歷年間每畝加增九厘銀七千四百三
十五兩九分六厘又加添黑鉛銀九錢六厘共原額銀五萬二百三十九
兩四錢三分內分

一等竹地一百四十六頃一十七畝九分三厘四毫七絲徵銀二千二百

六十六兩二錢二分九厘

二等水地七百七十九頃一十五畝二厘三毫四絲徵銀九千五十九兩
四錢一分八釐

三等川地七百一十六頃六十畝三分八厘五毫徵銀五千五百五十四
兩七錢八分二厘

四等平地一千一百七十一頃九十八畝九分二厘徵銀七千九百四十
九兩一錢二分八厘

五等崗凹地一千六百七十五頃五十二畝四分六毫徵銀八千一百一
十八兩三錢一分八厘

六等坡地三千七百七十一頃七十七畝五分徵銀一萬九百六十三兩
八錢九分六厘

七等山稞二萬一千七百六十八石一斗八升拆銀六千三百二十七兩

六錢三分二釐內順治二年六月內 巡按甯 具題奉

旨免荒現除荒蕪有主一等竹地一百一十四頃十二畝四分二厘一毫七絲

二等水地七百六頃三畝八分八毫四絲

三等川地三百八十六頃二十一畝四分六厘七絲

四等平地一千一百七十一頃九十八畝九分二厘

五等崗凹地六百五十七頃五十九畝四分七厘五毫四絲

六等坡地七畝六分八厘六毫七絲五忽

七等裸籽二萬一千六百五十九石九升七合除荒銀六千二百九十五兩二錢七分

以上共除荒地三千三十六頃三十三畝八分一釐二毫九絲五忽連稞籽共除荒銀三萬四百七兩七錢六分九釐

一現種行糧成熟地五千二百二十四頃八十七畝九分九釐六毫一絲

洛甯縣志

卷八 貢賦志

三

翊中石印館印

五忽內除

康熙九年起到雍正十三年止勸墾自首共地二千八百七十九頃六千三畝八分九厘六毫一絲五忽內分

一等竹地三頃九十四畝一分八厘六毫每畝派銀一錢五分五厘三絲

七微五纖遇閏加徵銀一厘七毫八絲九忽三微

二等水地八十七畝八分八厘每畝派銀一錢一分六厘二毫八絲遇閏加徵

銀一厘三毫四絲二忽

三等川地並康熙四十年歸則及雍正五年當年陞科共地一百三頃四十四畝三分三厘四毫二絲每畝派銀七分七厘五毫一絲六忽遇閏加徵銀八毫九絲四忽六微

五等崗凹地並康熙四十年歸則及雍正八年八額徵解共地五百二十七頃八十八畝五分六毫五絲每畝派銀四分八厘四毫五絲二忽五微

五織遇閏加徵銀五毫五絲九忽一微二纖

六等坡地二千二百四十三頃四十八畝九分八厘九毫四絲五忽每畝

派銀二分九厘七絲遇閏加徵銀三毫一絲五忽五微

以上五等熟地照依賦役則例共派銀九千九百五十二兩七錢四分三

厘 又該補徵銀三百九十八兩五錢二分七厘 二項共徵銀一萬三

百五十一兩二錢七分

該攤派丁銀四百四十六兩六錢四分四厘

一實在應徵存倉口成熟共地二千三百四十五頃二十四畝一分內分

一等竹地二十七頃八十一畝三分一厘七毫連下五等地每畝派銀確數見上

二等水地七十二頃二十三畝三分三厘五毫

三等川地二百二十六頃九十四畝五分六厘一絲

四等平地無

五等崗凹地四百九十頃四畝六厘四毫一絲

六等坡地一千五百二十八頃二十畝八分二厘三毫八絲

七等裸籽一百九石八升三合每斗照依賦役則例折銀二分九厘六絲

八忽

以上五等熟地並裸籽共徵銀九千八百七十八兩八錢九分一厘內除

紳衿吏停免糧石銀五百三十五兩六錢照數另行扣解

實徵地銀九千三百四十三兩二錢九分一厘

該派丁銀四百四十二兩二錢六分六厘

以上勸墾自首及起存倉口共成熟地五千二百二十四頃八十七畝九

分九厘六毫一絲五忽共徵地丁銀二萬五百八十一兩四錢七分一厘

又補徵漕耗等項銀三百二十四兩五錢七分下有細數 又帶徵紳衿吏停免

糧石銀五百三十五兩六錢共徵銀二萬一千四百四十一兩六錢四分

一厘所有更名衛地丁糧細數另列於後

一折色起運原額銀三萬七千四百七十兩二錢一分六厘除荒實徵銀七千七百八十九兩九錢七分四厘

存留項下裁扣裁剩並應裁襍欸共原額銀五千三十四兩七錢三分二厘除荒實徵銀九百五十一兩三錢五分六厘

六八漕折原額銀一千一百八十八兩四錢八分除荒實徵銀二百二十四兩六錢六分三釐

輕贖原額銀三百一十二兩除荒實徵銀五十八兩九錢七分八厘

折席原額銀二十兩六錢五分除荒實徵銀三兩九錢四厘

外扣解停免糧石銀五百三十五兩六錢

一本色起運原額銀六千九百八十九兩四錢七分八厘除荒實徵銀一千三百三十九兩六錢七分九厘又奉 部文外補徵漕耗銀米並臨德二

倉耗米及布花顏料等項價值共銀三百二十四兩五錢七分照依本年實在行糧熟地不分等則每畝均派銀一厘三毫八絲三忽九微四纖九沙一塵一埃九渺九漠內分

起運戶部本色

正兌原額米三千九百石除輕折外每石價銀八錢六分六厘五毫除荒實徵米七百三十七石二斗三升八勺原額價銀三千三百七十九兩三錢五分除荒實徵銀六百三十八兩八錢一分

外二五二八加耗原額米一千八十九石五斗四升除荒實徵米二百五十九石九斗五升九合五勺

盤剝原額銀五十八兩五錢除荒實徵銀一十一兩五分八厘

改兌原額米二千石除折席外每石價銀七錢四分六厘五毫除荒實徵米三百七十八石六升六合原額銀一千四百九十三兩 除荒實徵米

三百七十八石六升六合
實徵銀二百八十二兩二錢二分六厘

外一七加耗原額米三百四十石 除荒實徵米六十四石二斗七升一合二勺

盤剝原額銀三十兩 除荒實徵銀五兩六錢七分一厘

以上正改兌漕米遵照 部文每漕糧一百石加潤耗銀五兩米五石查本縣共該實徵漕糧正米一千一百十五石二斗九升六合八勺該加潤耗五十五兩七錢六分五釐該加潤耗米五十五石七斗六升四合八勺每石價銀八錢共該價銀四十四兩六錢一分二厘共該補徵銀一百兩三錢七分七釐又照 部文正耗漕米每石價銀八錢一例編徵查本縣共該實徵正耗漕米一千三百八十五石五斗二升七合五勺共該價銀一千一百八兩四錢二分二厘除照舊徵銀九百二十一兩三分六厘仍

該補徵正耗米價銀一百八十七兩三錢八分六厘

臨清倉本邑新奉文改撥運軍行糧原額米一千六百三十石五斗七升五合每石價銀八錢

原額銀一千二百八十二兩八錢六分除荒實徵米三百三十石一斗二升九合四勺實徵銀二百四十二兩五錢四厘

外加一耗原額米一百六十石三斗五升七合五勺除荒實徵米三十石三斗一升二合九勺遵奉 部文照依正米每石價銀八錢該補徵耗米價銀二十四兩二錢五分

德州倉本色新奉文改撥運軍行糧原額米一百一十九石四斗一升四合二勺每石價銀八錢

原額銀九十五兩五錢三分一厘除荒實徵米二十二石五斗七升三合二勺實徵銀一十八兩五分九厘

外加一耗原額米一十一石九斗四升一合四勺除荒實徵米二石二斗五升七合三勺遵奉 部文照依正米每石價銀八錢該補徵耗米價銀一兩八錢六釐

本色棉花絨四十二觔十二兩實徵額價銀三兩一釐內改折花絨一十四觔三兩遵奉 部文照依康熙七年本色花絨每觔估定時值價銀一錢二分徵解共該徵銀一兩七錢二釐除照舊徵銀九錢九分三厘仍該補徵銀七錢九厘於康熙三十九年二月內奉文停解

本邑花絨二十八觔十一兩原估時值每觔價銀一錢五厘共該銀三兩一分二釐除照賦役舊徵銀二兩八釐仍該補徵銀一兩四釐照依康熙二十四年正月內奉文減定價值每觔價銀七分該銀二兩八厘該扣餘剩銀一兩四厘

以上各款價銀統歸
丁地解繳藩庫

本色棉布一十四疋一十一尺實徵額價銀五兩四錢九分四釐內

改折布二疋二十一尺四寸遵奉部文照依康熙七年本色布每疋估定時值價銀一兩徵解共該銀二兩八錢九分二厘除照舊徵銀一兩九分九厘仍該補徵銀一兩七錢九分三厘於康熙三十年三月內奉文仍解甲字庫本色布一十一疋一十三尺六寸照依原估時值每疋價銀九錢三分共該銀一兩七錢五分七厘除照舊徵銀四兩三錢九分五厘仍該補徵銀六兩三錢六分二厘照依康熙二十四年正月內奉文減定價值每疋價銀三錢又於乾隆三年正月內奉 部每疋增價銀三錢五分共價銀六錢五分該銀七兩五錢一分八厘又每疋鋪墊銀五分共該鋪墊銀五錢七分八釐該扣餘剩腳價銀二兩六錢六分一厘

以上銀兩解
司每春赴

司領布價並鋪墊銀八
兩九分六厘辦解

本色黑鉛原額二十三觔十二兩實徵額價連鋪墊銀一兩九分二厘照依原估時值每觔價銀七分八厘該銀一兩八錢五分二厘除照舊徵銀

一两九分二厘仍該補徵銀七錢六分於康熙三十五年九月內奉文改折一分黑鉛七觔十四兩六錢六分七厘照依部定價值每觔價銀三分五釐該銀二錢七分七釐又該鋪墊銀八分七釐停解本色二分黑鉛一十五觔十三兩三錢三分三釐於康熙四十五年九月內奉文停解本色

部定每觔價銀三分五釐該銀五錢六分四釐又該鋪墊銀一錢七分四釐該扣餘剩銀七錢六分本色明礬二觔五兩實徵額價銀六分內改折礬一觔五兩二錢照依順治十八年題定價值每觔價銀九分該銀一錢一分九釐除照賦役舊徵銀三分四釐仍該補徵銀八分五釐於康熙五十三年九月內奉文停解本色明礬十五兩八錢照依原估時值每觔價銀六分五釐該銀六分五釐除照舊徵銀二分六厘仍該補徵銀三分八厘照依康熙二十四年正月內奉文減定價值每觔價銀一分該

銀一分又鋪墊銀一分一釐該扣餘剩銀四分三釐

本色粳米原額三百六十一石每石價銀一两五錢五分除荒實徵米六十八石二斗四升一合二勺

原額銀五百五十九兩五錢五分除荒實徵銀一百五兩七錢七分四厘

舊解襄城營乾隆五十二年奉文改解藩庫

起運工部本色

麂皮奉文改折原額六張每張價銀六錢原額銀三兩六錢鋪墊原額銀一两四錢四分除荒實徵麂皮三張六釐實徵銀一两八錢三分六厘鋪墊銀七錢三分四厘共銀二兩五錢七分

本色弓一十九張折牛角一十九副每副額價銀四兩共該原額銀七十六兩於康熙三十九年二月內奉文停解本色除荒實徵牛角三副五分九厘除荒實徵銀一十四兩三錢六分照依康熙二十四年正月內奉文

減定每付價銀一两該銀三两五錢九分該扣餘剩銀一十兩七錢七分
以上銀兩
統解藩庫

河南衛工部牛角一副除荒實徵牛角三分二釐原額價銀四兩除荒實
徵銀一两二錢八分於康熙二十四年奉文減定每副價銀一两該銀三
錢二分該扣餘剩銀九錢六分徵銀
解司

宏農衛工部牛角一副除荒實徵牛角二分五釐原額價銀四兩實徵銀
一两康熙二十四年奉文減定每副價銀一两該銀二錢五分該扣餘剩
銀七錢五分徵銀
解司

查以上起運折色本色各項價銀均歸入丁地銀兩統解司庫茲將各款
臚列以便稽考

存留項下

原額銀八千五百二十一兩八錢八分九厘除荒實徵銀一千一百一十

八兩五錢四分八厘內分修理

龍亭文廟並各上司本縣經費 河夫銀兩 本縣驛站 協濟驛站 支

發襍項五款

一修理

龍亭文廟並各上司及本縣經費共原額銀一千八十一兩四分除荒實徵
銀一百四十一兩八錢九分二釐

一支發襍項原額銀五百三十六兩四錢七分七釐除荒實徵銀七十兩
四錢二分一釐

以上二款共實徵銀二百一十二兩三錢一分三釐查內有新舊裁解停
給以及補額各項若照舊臚列未能一目瞭然茲將現在應支各款列於
前裁解各款附於後庶便稽考
存留項下每歲應支款項

修理

文廟原額銀一十兩除荒實徵銀一兩三錢一分三釐

本府通判俸原額銀六十兩除荒實徵銀七兩八錢七分六釐

本縣知縣俸原額銀四十五兩除荒實徵銀五兩九錢七釐

門子二名工食原額銀一十二兩除荒實徵銀一兩五錢七分五厘撥補銀一十兩四錢二分五釐

皂隸十六名工食原額銀九十六兩除荒實徵銀一十二兩六錢一釐撥補銀八十三兩三錢九分九釐

馬快手八名工食原額銀四十八兩除荒實徵銀六兩三錢撥補銀四十一兩七錢

喂馬草料原額銀八十六兩四錢除荒實徵銀一十一兩三錢四分一釐民壯五十名工食原額銀三百兩除荒實徵銀三十九兩三錢七分九釐

裁減民壯二十七名工食原額銀一百六十二兩除荒實徵銀二十一兩二錢五分三釐酌存民壯二十三名工食原額銀一百三十八兩除荒實徵銀一十八兩一錢一分三厘每名工食八兩撥補銀一百四十四兩六錢二分四厘

庫子四名工食原額銀二十四兩除荒實徵銀三兩一錢五分撥補銀二十兩八錢五分

轎傘扇夫七名工食原額銀四十二兩除荒實徵銀五兩五錢一分三釐撥補銀三十六兩四錢八分七釐

斗級四名工食原額銀二十四兩除荒實徵銀三兩一錢五分撥補銀二十兩八錢五分

禁卒八名工食原額銀四十八兩除荒實徵銀六兩三錢撥補銀四十一兩七錢

各渡口水手四名工食原額銀一十四兩四錢除荒實徵銀一兩八錢九分撥補銀一十二兩五錢一分

打造渡船原額銀一十二兩七分五厘除荒實徵銀一兩六錢六分四厘舖司兵十名工食原額銀五十兩除荒實徵銀六兩五錢六分三厘撥補銀四十三兩四錢三分七厘

本縣典史俸原額銀三十一兩五錢二分除荒實徵銀四兩一錢三分七釐

門子一名工食原額銀六兩除荒實徵銀七錢八分八釐撥補銀五兩二錢一分二釐

皂隸四名工食原額銀二十四兩除荒實徵銀三兩一錢五分撥補銀二十兩八錢五分

馬夫一名工食原額銀六兩除荒實徵銀七錢八分八厘撥補銀五兩二

錢一分二釐

本縣教諭訓導俸原額銀三十一兩五錢二分除荒實徵銀四兩一錢三分七釐撥補銀七十五兩八錢六分三厘計各俸銀四十兩

喂馬草料原額銀一十二兩除荒實徵銀一兩五錢七分五釐

門斗二名工食原額銀一十四兩四錢除荒實徵銀一兩八錢九分撥補銀一十二兩五錢一分

齋夫三名工食原額銀三十六兩除荒實徵銀四兩七錢二分五釐撥補銀三十一兩二錢七分五釐

膳夫二名工食原額銀四十兩除荒實徵銀五兩二錢五分撥補銀三十四兩七錢五分

廩生二十名實領廩糧共銀九十七兩六錢六分七厘

在丁地銀內支用

文廟祭祀原額銀五十六兩九錢九分八厘除荒實徵銀七兩四錢八分

一釐加增銀三十二兩五錢一分八厘

關帝廟春秋二祭及五月十三日祭祀共銀四十兩

在丁地銀
內支用

風雲雷雨壇祭祀原額銀一十兩除荒實徵銀一兩三錢一分三釐

社稷壇祭祀原額銀六兩除荒實徵銀七錢八分八釐

邑厲壇祭祀原額銀一十五兩除荒實徵銀一兩九錢六分九釐

蚩蜡祠祭祀原額銀三兩除荒實徵銀三錢九分四厘

伍員祠祭祀原額銀三兩除荒實徵銀三錢九分四厘

中嶽廟祭祀原額銀一兩二錢除荒實徵銀一錢五分八厘

霜降祭旗猪首酒席原額銀一兩五錢除荒實徵銀一錢九分七釐

加增壇廟祭祀並均勻不敷銀二十三兩七錢八分六釐

以上共原額銀一千一百七十兩一分三厘除荒實徵銀一百五十三兩

六錢五分三厘又加增撥補共銀八百三十五兩六錢二分五厘計每歲

應支銀九百八十九兩二錢七分八釐乾隆五十二年新例解司再領毋

許存留先扣

存留項下先舊裁解欸項

兩院觀風考試生員賞賜原額銀二十五兩除荒實徵銀三兩二錢八分

一釐

縣學門斗一名原額銀七兩二錢除荒實徵銀九錢四分五釐

修理

龍亭原額銀一兩除荒實徵銀一錢三分一釐

康熙十四年
裁解司庫

本縣心紅紙張原額銀二十兩除荒實徵銀二兩六錢二分五釐

康熙十
四年裁

解司
庫

修理監倉原額銀二十四兩除荒實徵銀二兩六錢一分五厘

康熙十四
年裁解司

庫

府通判燈夫二名原額銀一十二兩除荒實徵銀一兩五錢七分五厘雍正七年

七年裁
解司庫

本縣燈夫四名原額銀二十四兩除荒實徵銀三兩一錢雍正七年
裁解司庫

應送新進生員彩旗花紅原額銀四兩除荒實徵銀五錢二分五釐

應送府學新進生員彩旗花紅原額銀一兩八錢一分七厘除荒實徵銀

二錢三分八厘

本縣歲考生員試卷花紅原額銀二十兩除荒實徵銀二兩六錢二分五

釐

春牛春杖酒席原額銀三兩除荒實徵銀三錢九分四厘

修理院司公署兩壇鋪設原額銀二十五兩三錢六分除荒實徵銀三兩

三錢二分九釐

提學道歲考棚場原額銀四兩九錢三分一釐除荒實徵銀六錢四分七

洛甯縣志 卷八 貢賦志 十三 翊中石印館印

釐

本縣新官到任祭牲原額銀四兩除荒實徵銀五錢二分九釐康熙十四
年裁解司

庫

起送應試生員並遺才花紅酒席原額銀一十一兩七錢九釐除荒實徵

銀一兩五錢三分七釐

府學賞賜應試生員並遺才盤費原額銀七兩五錢二厘除荒實徵銀九

錢八分五釐

舉人進士以一名為率花紅旗匾賀儀原額銀二兩除荒實徵銀二錢六

分三釐

科舉生員試卷菓餅賞賜花紅原額銀九兩三錢除荒實徵銀一兩二錢

二分一厘

府學衛藉舉人盤費原額銀五兩六錢六分七厘除荒實徵銀七錢四分

四釐

舉人車價原額銀一十二兩八錢四分九厘除荒實徵銀一兩六錢八分

七釐 解司庫每逢會試之年每名支銀五兩四錢九分
在丁地項內支給仍在司庫請領歸款

餞送舉人會試原額銀一十四兩八錢三分三釐除荒實徵銀一兩九錢

四分七釐 康熙十五年
裁解司庫

舉人坊牌原額銀三十兩除荒實徵銀一兩四錢七分六釐 康熙十五年
裁解司庫每

名二十兩在
司庫支給

進士坊牌原額銀一十一兩二錢四分二厘除荒實徵銀一兩四錢七分

六釐 康熙十五年裁解司庫
每名三十兩在京支給

科場原額銀二十九兩九錢除荒實徵銀三兩九錢二分五厘 康熙十五年
年裁解如

遇鄉試之年在於司庫
丁地銀內支給辦理

武舉路費原額銀五兩二錢五分九厘除荒實徵銀七錢四分三厘 康熙十五年

洛甯縣志

卷八 貢賦志

十四

翊中石印館印

年裁解司庫每逢會試之年每名銀五兩四錢九分
在本縣丁地銀內支給仍在司庫請領歸款

進表官盤費原額銀三錢七分五厘除荒實徵銀四分九釐 康熙十二年
年裁解

考貢生員試卷菓餅賞賜花紅原額銀二十七兩五錢除荒實徵銀三兩

六錢一分

考貢生員絹旗木匾原額銀一十一兩二錢六分除荒實徵銀一兩四錢

七分八厘

歲貢盤費原額銀二十兩除荒實徵銀二兩六錢二分五釐 康熙十六
年停給

考中貢生原額銀二兩八錢除荒實徵銀三錢六分八釐

舖兵十三名原額工食銀六十五兩除荒實徵銀八兩五錢三分二厘

鄉飲原額銀七兩除荒實徵銀九錢一分九釐

以上三十二項裁解司庫充餉遇用請領

一原額河夫三百二十二名半原額河銀二千三百二十二兩除荒實徵

銀三百四兩七錢七分五釐解河道庫兌收

一本縣驛站原額銀六百七十九兩二錢除荒實徵銀八十九兩一錢四分八厘內分 原額馬騾二十一匹頭草料原額銀四百二十兩除荒實徵銀五十五兩一錢二分七釐 馬夫六名工食原額銀四十三兩二錢除荒實徵銀五兩六錢七分

走遞馬夫三十名原額工食銀二百一十六兩除荒實徵銀二十八兩三錢五分一釐

現存驛馬二匹每日支草料銀五分歲除小建六日共支銀三十五兩四

錢遇閏按日加增

馬夫一名每日支工食銀四分五厘歲除小建六日共支銀一十五兩九

錢三分遇閏按日加增

支鞍屨銀七兩九錢一分

洛甯縣志

卷八 貢賦志

十五

翊中石印館印

以上共支銀五十九兩二錢四分每歲赴 臬司衙門請領支銷餘剩驛

站銀二十九兩九錢八釐統解藩庫

一額派協濟驛站原額銀三千九百三兩一錢七分二釐除荒實徵銀五百一十二兩三錢四分四厘內分

義昌所牛一百二十二隻原額草料銀二千四百四十兩除荒實徵銀三百二十兩二錢八分三釐改解藩庫

閿鄉所牛七百隻原額草料銀一千四百兩除荒實徵銀一百八十三兩七錢六分九釐改解藩庫

蠡城驛館夫工食銀六十三兩一錢七分二釐除荒實徵銀八兩二錢九分二釐改解藩庫

耗銀

本縣額徵民衛更名地丁共銀二萬一千七百一十四兩三錢四分八厘

每兩加耗銀一錢四分共徵耗羨銀三千四十兩九釐遇閏加徵正銀二百三十兩一錢二分九厘耗銀三十兩二錢一分八釐內應支

本縣知縣養廉銀一千二百兩 公費銀二百兩 典史養廉銀八十兩 乾隆五十一年新例隨丁地銀併解司庫另行具文請領不准預支

更名地

康熙八年四月內新收更名原額地三頃三十四畝一分七厘全熟除補徵等項不徵外內分

三等川地五十一畝七分九釐七毫每畝比照民田則例派銀七分七厘五毫一絲六忽遇閏加徵銀八毫九絲四忽六微

五等崗凹地六十一畝五分每畝比照民田則例派銀四分八厘四毫五絲二忽五微五纖遇閏加徵銀五毫五絲九忽一微二纖

六等坡地二頃二十畝八分七厘三毫每畝比照民田則例派銀二分九

釐七絲遇閏加徵銀三毫三絲五微五纖

以上共徵銀一十三兩四錢一分六釐 該派丁銀五錢七分九厘

二共徵銀一十三兩九錢九分五厘

一收併河南衛

原額丁銀無照現在丁銀準額 原準額人丁一百二十二丁 原準額

丁銀三十四兩九錢又

乾隆三十六年奉文編審

盛世滋生戶口人丁二百一十一丁永不加賦內分

中丁一百二十丁每丁派銀三錢

下丁七十丁每丁派銀二錢

以上二則人丁共派銀四十四兩六錢照雍正四年 部覆均派入本邑地糧之內無論民衛紳衿富戶一例輸將

原額地一百七十頃原額銀四百五十三兩六錢二分五釐查衛地與民田五等崗地相隣每畝比照民田賦役則例派銀四分八厘四毫五絲二忽五微五纖實徵原額銀八百二十三兩六錢九分三釐內順治三年巡撫甯具題奉

旨免荒見 除荒蕪無主地一百二十一頃九十五畝一分六厘八毫五絲除荒銀五百九十九兩八錢八分七厘

見種成熟地四十八頃四畝八分三厘一毫五絲每畝照上派銀

遇閏每畝加徵

銀七毫九絲一忽六微四纖七沙五埃九渺

共徵銀二百三十二兩八錢六厘該派丁銀一十兩四分五厘

二共徵銀二百四十二兩八錢五分一厘

一收併宏農衛

原額丁銀無照現在丁銀準額 原準額人丁一十五丁原準額丁銀七

洛甯縣志

卷八

貢賦志

十七

翊中石印館印

兩五錢又於乾隆三十六年奉文編審

盛世滋生戶口人丁五十四丁永不加賦 見在徵賦人丁二十六丁內分

上丁一十五丁每丁派銀五錢

中丁二丁每丁派銀三錢

下丁九丁每丁派銀二錢

以上三則人丁共派銀九兩九錢派入閭邑地糧內徵收

原額地三十頃八十八畝二分 原額銀一百二十五兩八錢五分查衛

地與民田六等坡地相隣每畝比照民田賦役則例派銀二分九厘七絲

尚虧舊額仍照舊例每畝派銀四分七毫五絲一忽八微六纖五沙一塵

六埃四渺二漠順治三年 巡按甯具題奉

旨免荒見 除荒蕪無主地二十七頃一十五畝九厘除荒銀一百一十兩六錢四分五厘

見種成熟地三頃七十三畝一分一厘每畝照上派銀遇閏每畝加銀七厘八毫九絲二忽

三微三織一沙八塵
九埃八渺

共徵銀一十五兩二錢五厘 該派丁銀六錢五分六厘

二共徵銀一十五兩八錢六分一厘

總計民衛更名共成熟地五千二百八十頃一分七毫六絲五忽通共丁

地實徵起存本折扣解停免補徵漕耗銀未布花顏料價值等項共徵銀

二萬一千七百一十四兩三錢四分八厘耗羨銀兩及遇閏加徵正耗確數見上

襍稅課租

鹽課

本縣原額鹽引一千四十一道代銷引五十三道又餘引三千八百四十道共引四千九百三十四道每引一道鹽二百四十觔每觔價銀一分六厘

襍稅

老稅原額銀一兩二錢六分

牙帖原額銀八兩三錢

活稅原額銀一十二兩六錢三分

老稅盈餘銀三錢四分

牙帖盈餘銀七百一十五兩七錢 新增銀一百二十二兩八錢三分

活稅盈餘銀三兩三錢七分五厘 新增銀二十四兩八錢二分四厘

房地稅無定額儘徵儘解

查各行牙帖係雍正四年知縣楊殿颺蒙

前撫部院田 題

奏連前所發共帖四百八十五張以後並無新增

當舖十一座每座稅銀五兩共銀五十五兩

襍租

一普濟堂一座瓦房二十七間 原額地二百零三畝每年每畝收租息銀二錢四分四厘一毫八絲共該租銀四十八兩九錢六分 交鹽當籌備本銀五百三十五兩每兩按月取餘銀一分六厘六毫六絲七忽每月盈餘銀八兩九錢一分七厘每年共盈餘銀一百零七兩 又收併育嬰堂每歲租銀一十三兩一錢三分三厘 共收租息銀一百六十九兩零九分三厘收養貧民四十八名每名月支口糧銀一分每共支銀一百七十二兩八錢 每名冬月給棉衣銀四錢共支銀一十九兩二錢遇有病故每名給棺木銀七錢每歲不敷銀多寡不等具文赴司請領撥補 一本縣學田均係零星山地並無段落畝數教育訓導管理每年納學租銀一兩二錢入書院充用一洛西書院一區在縣城東北隅瓦房三十七間原置地八畝四分每年夏秋稞租五石八斗八升變價銀一十四兩一

錢一分二厘

照時值
變價

交鹽當籌備本銀六百兩每月每兩一分五厘起息

每年收息銀一百零八兩 二共銀一百二十二兩一錢一分二釐

院長聘儀備膳節禮生辰共用銀一百六十兩 肄業生童三十六名每

月月課四次歲需卷價銀十四兩四錢厨役二名每年工食銀十二兩

月課獎賞銀一兩五錢 冬月生童燈炭銀六兩 每年共需銀一百九

十三兩九錢

遇有不敷
捐廉補給

倉儲

常漕義社倉一區在縣署西北隅共廩房十一座計四十四間所有常漕義社各穀皆在內分貯

常平倉穀乾隆二十二年額貯穀一萬五千石歷年出借生息至三十七年貯穀一萬六千六百四十七石五斗五升一合六勺三十八年受撥沈邱縣穀一千三百九十五石七斗四升九合一勺受撥項城縣穀九百五

十六名六斗九升九合三勺始額貯穀一萬九千石又歷年生息現貯穀二萬一千七百四十石六斗四升八合八勺內未買乾隆四十四年平糶陝麥五百四十四石

漕倉原奉定額穀五千石乾隆三十八年奉文受撥澗池縣溢額穀八百八十石現貯穀五千二百六十三石七斗七升

義社倉原奉定額穀七百九十七石三斗八升現貯並無增絀

勸捐社倉存穀並溢穀共六千五百一十一石七斗八升七合三勺內分存縣穀一千九百五十二石五斗

即在縣倉存貯

鄉社十二處共貯穀並溢穀共四千五百五十九石二斗八升七合三勺內分

王范里王范鎮貯穀二百三十石二斗九升六合社長五名

東仇里塢西寺貯穀四百三十四石六斗八合二勺社長七名

洛甯縣志

卷八

貢賦志

二十一

翊中石印館印

吳村里福興寺貯穀五百四十石四斗九合一勺社長七名

馮西里馬店鎮貯穀四百六十五石八斗一升八合社長四名

大宋里賈瑤村貯穀五百一十七石五升七合社長十二名

楊坡里楊坡村貯穀四百八十二石一斗五升一合社長六名

底張里故縣街貯穀一百六十一石二斗一升五合社長二名

原村里青陽宮貯穀三百五十九石六斗四升一合社長五名

冀庄里大覺寺貯穀四百四十四石九斗三升六合社長五名

王召里陳吳街貯穀三百九十二石三斗八升四合社長五名

樊村里方村貯穀二百六十六石六斗一升九合社長三名

陳宋里陳宋寺貯穀二百六十四石一斗五升一合社長一名

查各里社倉廩房歷年久遠倒塌無存現在社穀或存寺廟或貯公所春借秋還社長經管每石加息穀一斗歉年免息

每息穀一斗給社長襍賈穀二升

一耜田四畝九分每年收租穀七石六斗除祭祀動用穀四石七斗七升外存倉穀二石八斗三升積至五年將穀變價貯庫

蠲免

順治十七年

特恩蠲免河南租稅

順治十六年以前直省地欠錢糧凡係地欠在民者蠲免

康熙二十四年

特恩蠲免直隸各省等處錢糧

康熙二十五年應徵地丁各項錢糧蠲免一半康熙二十四年未免地丁錢糧亦盡蠲免

康熙三十年

特恩蠲免河南等省錢糧

康熙三十一年錢糧通行蠲免

康熙五十年

特恩蠲免直隸各省等處錢糧

自五十年始三年之內全免一週河南五十年應徵地畝人丁銀全免至歷年舊欠亦俱免

徵

洛甯縣志

卷八

貢賦志

二十一

翊中石印館印

雍正七年

特恩蠲免河南錢糧

豫省雍正七年額徵錢糧蠲免四十萬兩

雍正十一年

特恩蠲免河南丁地錢糧四十萬兩

河南本年丁地錢糧蠲免四十萬兩以存貯之耗羨銀照數撥補

雍正十三年

特恩蠲免錢糧分惠佃戶

乾隆十年

特恩蠲免直省應徵錢糧

乾隆丙寅年直省應徵錢糧通行蠲免

乾隆十一年

特恩蠲免耗羨錢糧

各省正賦分作三年蠲免將蠲賦之年應徵耗羨一併緩至開徵年按數完納

乾隆十五年

巡幸河南全免地丁錢糧

祥府登封二縣乾隆辛未年應徵地丁錢糧全行蠲免

乾隆十五年

巡幸嵩洛加恩蠲免錢糧十分之三

乾隆三十一年

特恩蠲免錢糧分惠佃戶

乾隆四十二年

特恩普免天下錢糧

自戊戌年始普免天下錢糧分三年輪免河南錢糧輪於四十五年蠲免

乾隆四十三年

特恩先行蠲免預省錢糧

四十五年輪免錢糧即於本年先行蠲免

乾隆五十五年

特恩普免天下錢糧

本省錢糧自五十六年始分三年輪免洛邑錢糧輪於五十八年蠲免

洛寧縣志卷之八

政事部

壇廟志

禮儀附

記曰有功德於民則祀之以勞定國則祀之能禦大災則祀之能捍大患則祀之有其舉之莫或廢也左氏曰先成民而後致力於神務其三時修其五教致其禋祀於是乎民和而神降之福豈僅奉帛陳牲修具文乎哉邑之正祀昭垂令典者必謹書之他如名賢茂宰盼蠻所留人殷仰止不敢稍遺焉至俗祀沿而未改者亦載之以備上風而順民志社鼓神簫衢歌巷舞固太平盛景也社稷壇 在西郭外洪武元年主簿丁讓創建永樂元年知縣郝敬重修正統十年縣丞于淵重修 國朝雍正十年知縣喬相奉文重修風雲雷雨山川城隍壇 在南關外

洛寧縣志

卷八

壇廟志

一

翊中石印館印

先農壇 在東郊外 國朝雍正四年知縣楊殿颺奉

文建置藉田四畝九分壇地三畝

厲壇 在城北

城隍廟 在縣治西元至正四年知縣溫敦創建明洪武三年知縣翟禮重修正統十年縣丞于淵重修宏治十七年知縣李景重修 國朝順治五年知縣王潤身重修十七年知縣程瑒重修康熙九年知縣李伸重修三十七年知縣佟賦偉重修乾隆四年置祭田神儀仗乾隆五十三年重修

重修城隍廟碑記

洛寧佟侯治其邑十四年矣省刑薄賦開渠興學富教之政犁然具舉最後以城隍廟腐壞將傾非守土者所以躬率士民嚴奉祭祀之意乃謀於邑之士民將新而大之以垂永久議既同侯首出俸金以偁士民商賈踴躍樂輸者輻輳遂諏日興役於孟秋之吉其金錢之出納木石瓦甃丹堊之直工匠

饗餼粟麥薪炭之費教諭宋君典史趙君與士民之有幹才而重廉恥者李紹同王丞基劉汝為孟英韋士敏等分而主之侯相度指示日必三四往數日而一勞米肉酒果復別出已橐以辦民大悅越六月而廟工以成土木之侈殫極巧力余適客侯所往觀而壯之乃問於侯曰城隍之神何為而立廟以祀也侯曰神名號祭祀雖不見禮經而築城鑿池以衛民而禦暴功莫大焉蓋社稷之類此神所以名而廟祀之所由起也然則神之非人鬼昭昭矣而廟之像之加以冕服設之筆硯夫人之并坐女樂之環侍儼然事之如人鬼禮與且神之所司者衛民以禦暴而已至於降祥殃斯民之壽考天絕上帝實主之城隍之神何與焉即謂神聰明正直受命於天足以禍福乎斯民亦積善積惡理不可違而氣始相感云爾非果有人其形貌者臨之於上而承以庶司列曹分職勾攝魂魄兢兢然日規取生人而春判之也而二十四司鬼卒之森列刀鋸鼎鑊之雜陳無乃厚誣與人况神受命上帝以主城隍

緣實立名盖天之所為非朝廷封爵可得而加也而今稱之曰公曰侯曰伯非瀆禮而不經者與余聞明太祖即位之三年革去神三等之封稱如其本號毀塑像易以木主他雜亂鬼神皆屏黜之有司懼得罪於神而奉行不力故至今尚踵其謬公宏覽博物君子也考禮有素是舉也何不一正數百年相沿之非以曉愚蒙使知所以務民之義而不惑於煮蒿妖誕之邪說顧乃仍其舊貫而華麗宏壯視昔有加者何哉侯唯唯遂巡謂余曰洪武之詔余不敏固嘗竊聞之然禮之不明而俗各是其所習見久矣今余不顧衆心之所安而一旦孤立行己意士大夫可耳蚩蚩之氓將囂然其有後言明道牖民之教未信於乎曰雖知而為之卒亦不能絕民神之雜揉而正人心徒為此紛紛而已傳曰如其禮樂以俟君子古人之審於自量盖如此此余之所以因循其舊而不敢遽為厘革者也子盍為我書之并述吾兩人之言以告後之君子祀典之正庶幾其有待矣乎余乃退而為之記全軌撰

關帝廟 在城西門內明正統十年縣丞于淵重修宏治十六年知縣李景重修 國朝康熙二十九年知縣佟賦偉重修康熙四十八年乾隆八年繼修 施府志雍正三年奉

旨追封

帝三代

光昭公

裕昌公

成忠公祭於後殿今邑中余莊鎮吳村里底后里王范鎮西塢鎮嶸山村中益村底前里大原村皆有專廟

龍神廟 在城北鳳翼山明洪武十五年建景泰二年知縣于淵重建

火神廟 在城內西街

八蜡廟 在城東北舊志在鳳山澗水間明萬曆十二年署縣通判易汝奇建

洛甯縣志

卷八

壇廟志

三

翊中石印館印

東嶽廟 在東關

雷神廟 在西關

禹王廟 舊府志在長水鎮昔禹治水成功洛龜呈瑞故立廟祀焉宋淳化六年建元延祐三年學士薛友諒修後明正統萬曆相繼修 國朝乾隆五十年重修

題長水西洛書賜禹之地羅正之石刻

張生卓犖真好奇呼我出城觀禹碑平生雅足濟勝具梯飈磴蘚吾何辭雙筇窈窕到碑下嘆息疇曩煩嗟咨山腰圓抱鐵瓮腹石面倒偃紅玻璃捫烟揣霧隨指濕凜古氣衝人衣天生神禹未易詰世人妄作黃能兒洛書先時墮禹腹為是天賜何其瀉龍門自古天所啟為是禹鑿何其疲向來行水本無事四海為壑天為池誰以茫昧賈後疑道人潛來偶見之字形漫滅不盡識歲月唯有蒼苔知溪風颭颭餘清悲杜人傑撰

止軒杜善夫先生天下士也以文章鳴於時以詩酒適其性達天命而混世俗者也五十年前嘗辟地於長水游覽山川之勝槩性所嗜也長水西南六七里今古相傳洛書賜禹之地也公辯其相傳之非洛城南龍門今古相傳禹所鑿也公辯其相傳之非噫廓一已之誠明破萬世之疑惑非儒生俗士所能及也歎服之餘以散言題之於其後因君用胡經歷致書之雅意云歲己巳孟冬十一日薛元題

湯王廟 在原村明崇正六年建

光武廟 施府志在縣東新莽永赤睂寇宜陽光武親帥六軍克之明帝永平元年立廟祀之舊志在岷山

文昌廟 施府志在城外東南隅即奎樓今按廟與樓始建文廟東明萬曆四十二年知縣劉應遇移廟東郭外 國朝順治十四年邑人張鼎延修乾隆十三年重修

洛甯縣志

卷八

壇廟志

四

翊中石印館印

重建奎樓記

永古元滬地也面峙金門背負鳳翼而聖宮建焉風氣著於人文濬漕明允之相理學博雅之儒藹藹於前詎非山川呈秀而光重膠序者哉迨及中季漸謝國初說者僉謂大成坊東宜構奎樓以助文峯前任關西楊侯都下米侯咸有志而未果或天需以俟明府哉歲之丁未西吳賈侯以春榜高第來牧茲永庶務未遑輒以興起人文為己任念士之情窳易恣也而嚴課程登進之途隘也而請增額婚葬之 寒婁也而捐俸置田萌心動念胥以興賢育才為斷故邇來名登兩榜者有人焉迨歲壬子侯將內召矣然而重士之心猶未已也乃謀諸署諭喬君勗建奎樓樓祀奎星梓潼兩神為人文助然喬君以西晉魏科胸蟠錦繡敬神造士之心于賈侯若符也於是官捐其俸士庶輸其貲喬君董其役而炎暑弗憚又令王生大任田生有玉辦材督工不兩月而就緒焉櫺栢峻嶮輪奐美矣樓成顏生賡趙生翼如等懇余為

之記余以聚奎之說何昉哉有宋開基天示文章之精華五星並聚而英賢繼起蓋一代奇逢也孰謂嶢嶢人文之興非藉茲樓閣以為之兆乎猗歟休哉噫記有之凡學官先事士先志事之未克成官之責也事成矣而志弗辯諸士之憂也是故士之尚志蓋有成訓然而學術日僻德業日圯恒貿貿焉而靡所成將無有以阻之乎剽經獵史琢句組章徼冒祿位耀身私家其於貨賄類也間有嗤其陋矣 述為勳業 噫中為實際假借舊聞憑依人言其 托類也間有察其方而求之矣入譽出毀黨同伐異瞻前顧後且進且卻其 好言類也辨志之謂何二三子其亦思自奮自燭自程督自綜畫庸德庸言慥慥相顧仁義之良徵諸邦家準諸四海庶幾無玷先哲無媿神明無負良牧良師而奎壁其常輝哉明僉都御史盧氏李炳撰

玉皇廟 在嶢嶢山巔

真武廟 在時和街北倚城起臺 萬曆三年知縣秦紳重修乾隆二十九年

洛甯縣志

卷八

壇廟志

五

翊中石印館印

知縣金兆琦重修

五嶽廟 舊府志一在東關一在龍頭山今按東關廟明知縣于淵重建崇正八年 國朝雍正五年乾隆十九年重修龍頭山廟元至正七年建 國朝雍正十三年乾隆五年重修 龍頭山上有鍾呂二仙師傳劍亭

題龍頭山傳劍亭

明 霍 鵬

莫訝仙都迥絕羣松扉石磴鎖閑雲記藏玉笈三山合圖出金箱五岳分王母洞中留宿霧真人菴畔挂斜曛它年學得騎龍術世事悠悠總不聞

登龍頭山偶成

明知 縣 米萬鍾

日暮攀雲訪勝遊懸車一逕上龍頭磨雲古栢傳請籟聳壑巔崖枕巨流坐落萬川涼月影尊開千里碧天秋竭來頓覺忙身俗却怪仙踪不可求

三官廟 舊志一在西關一在王范鎮今王范廟嘉靖十三年重修 國朝康熙五十四年修

洛河龍神廟 舊府志在龍頭山

金山龍神廟 在金門山下元皇慶年間建明萬厯間修 國朝康熙十四年修

石神廟 續通志在城東北二里今按廟壁有宋慶厯八年重修石刻稱石父廟明景泰三年嘉靖十八年繼修 國朝乾隆四十七年修舊有大觀亭廢知縣丁光劍新建吟鳳亭於廟左為觴咏之所

藥聖藥王廟 續通志在王范鎮明嘉靖二年修

嶠嶠廟 名勝志嶠嶠山上有龍井及河瀆廟續通志元至正十年重建有薛有諒碑記明正德年重修

嶠嶠廟記

嶠嶠洛西名山也崔嵬千仞突起平野無重崗複嶺擁護於其下儼然有岳鎮尊大之象山下出泉爾雅云水本曰源源曰泉嶠嶠其泉之本歟盖山澤

通氣氣聚而神變化不測噴雲泄霧覆手為雨救旱蘇枯隨禱輒應何止百里前代褒封曰仁應侯宜矣廟貌森嚴飽厯歲月風雨弗支詎容坐視逮邑侯温敦野仙鐵本兒治政嚴明首捐已俸諭其里正賀榮祖曰當從而新之力為構葺數上曰就緒輪奐翬飛望之起敬榮祖偕鄉曲耆宿等以河瀆靈源王廟謁余之記余固學識孤陋而山之神有功於民者不可辭其於廟名有疑焉進封靈源王則理實當然若曰河瀆自有方所恐傳之者訛也今按圖經載十道志昔廣成子往來嶠嶠放逸山谷盖此山也若謂河瀆則穆天子傳河與江淮濟三水為四瀆水經注河瀆出崑崙之墟東流潛行地下至規期山北分為兩源一出葱嶺一出于聞其河復合東流蒲昌海復南出積石山西南流入東迴入塞過燉煌至酒泉南與洮 厯六郡至上都河東郡西出龍門至華陰與渭合東迴底柱及洛陽也為河瀆王可乎名正則言順理合辯明况洛甯神在之膚也救時濟衆而不惟免饑荒流徙之傷又得以

寬撫子者不職之咎至正辛巳夏四月侯為邑民告旱潔已薦誠隨車而雨感召之理昭然矣神之錫祐茲土者不知其幾千百年奚止今日余向乘乏翰林嘗偕大學士陳顥具其事以聞仁宋登霞不果噫有以俟好善者繼成其事斯焉正名樹石廟庭雲車風馬神其妥靈闔境之氓必敬必恭洋洋在上至誠感通災厲不生時和歲豐且不特乎庶懸之祭而受福澤無窮也是以記之薛友諒撰

岐伯廟 施府志在洛寧縣西景泰元年建

鄼侯廟 施府志在洛寧縣治西南

趙清獻公祠 舊志在縣治西遺址尚存東郭外有萬厯中知縣劉應遇所立碑云趙清獻公舊治

五賢祠 舊府志元薛友諒建祀文潞公司馬溫公程明道伊川邵康節五先生

生在洛西書院 孔子燕居堂之左今廢

洛寧縣志

卷八

壇廟志

七

翊中石印館印

二妙祠 舊府志祀薛文靖公及其子友諒在洛西書院 孔子燕居堂之左

明末寇亂燬

按府志庸齊父子元人李濂志以為宋人誤五賢祠即薛友諒建後人又建薛氏父子祠明季俱燬於兵據志友諒嘗請升周程諸儒從祀孔子廟廷建治洛西書院洛寧人祀之宜矣但父子同祀而稱二妙殊不當

文潞公祠 舊志在鳳翼山今廢

二程夫子祠 在錦陽川明正德中伊川十五代孫顯來卜居嘉靖中建祠

國朝順治十年二十四代孫湛糾族重修康熙二十五年知縣佟賦偉修

重修兩程夫子祠碑記

知縣

佟賦偉

嘗聞兩程世譜系出徽人也繼遷於孝感遷於黃陂宋興五世仕洛膺顯秩皆有功於民社及大中公歷官十二上賜第於京遂家焉迨歿葬洛南再傳及明道伊川兩夫子誠意正心居敬窮理為宋時名賢厥後子孫蕃衍寄寓嵩邑洛國公十五代孫諱上謙復僑居永之錦陽川雖歷世久遠而俎豆常

新方今

聖天子崇儒重道殷殷表章往聖前賢是歲

特命禮部博採天下藏書兵部武庫司郎中湛興漢掛印總兵官福亮係洛國
公二十四代賢裔也刊集二程全書五十卷進呈

聖覽叨蒙

御製學達性天匾額於洛陽祠堂復

勅重修嵩永祠字偉承乏茲土竊慕羹墻者久之欽遵綸音庀材鳩工丹雘黝
堊閱月金碧輝煌廟貌重新不有數言以記之何以垂於不朽哉爰列貞珉
以告來茲

秦侯祠 施府志在縣西

賈侯祠 舊志祀知縣賈宗悌在東關文昌閣東

劉侯祠 舊志祀知縣劉應遇在西關

洛甯縣志

卷八

壇廟志

八

翊中石印館印

張中丞祠 施府志在洛甯縣西門祀明右副都御史四川巡撫張論舊志崇
正十年知縣劉鴻業請立祠十三年城陷燬於大 國朝順治九年知縣程
萬善重修

都御史張公祠記

夫經文緯武是曰真儒急病讓夷斯云達節空疎誤世終慚六藝之稱拳勇
無成究屬一人之敵是以樹無前之烈必藉智名勇功闢非常之原允資莫
讓雄斷所為勳在社稷德被鄉邦作一代之宗臣崇千秋之祀典則我中丞
張公其人也維功豐偉魁梧敦大嚴重金門鍾其秀氣元 表其清標經術
醇深先 交相引重文章爾雅後賢多所裁成始自大行擢登柱史皂囊白
簡人謂鳳鳴朝陽繡衣豸冠屢見虎爭殿上天啟中釁起蠶叢氛迷魚復盜
竊名字幾同李特之披猖割據方州有甚雍 之蹙逆鉦鼓沸錦江之水旌
旗蔽玉纍之雲公以巡方之役兼視師之寄爾乃請九重之帑藏總七萃之

貔貅犒士馮旗陳師鞫按劍而瘡痍盡起援抱而勇怯齊應大破羣醜遂復全疆迨公奏凱還朝聞喪歸里賊乃乘我備之單疎糾水西之遺孽進窺蜀永擾動西南天子於是授公節鉞之權畀以封疆之任公謂以逆犯順是賊天亡之期用寡擊衆乃我成功之日蠡氣朝乘儼淮之壁壘銳師齊進識順昌之旗幟風馳霆擊魚爛土崩梟彼二渠之首覆其十萬之衆孔明瀘水之師竟收工於五月安石淮淝之戰果告捷於八千海內始知我永之有人朝廷益加公功為第一比公甫解疆場之任將尋泉石之盟屬寇軼中原禍延永邑井堙木刊痛孤城之垂陷烽舉燧燔悲外援之斷絕公盡散家產召募死士枕戈待旦速沮凶鋒擐甲乘陴屢殲醜類墨守彌堅等盱眙之將吏黃巾自潰識皇甫之威名邑以解嚴人有攸底公積勞瘁遂捐館舍可謂以身勤民至死不變者矣昔韋南平久鎮西川張益州再靖蜀畔皆能重名竹帛著績旂常然止耆定於邊陲未必收甯於邑里公文武兼資智勇輻湊中

外倚重勳伐爛焉故能以造蜀者造永且以保國者保鄉矯矯乎其卓冠一代而彪炳千秋豈虛也哉公諱論字建白號葆一萬曆庚戌進士仕至四川督撫邑之德里村人蜀人既祀公名宦邵邑亦崇祀鄉賢邑人荷公再造謀建專祀用深崇報之思弗替蒸嘗之典僉走請于理臺盧公象昇撫臺常公道立按臺劉公令譽下余小子董其事不疾不徐因民之願廟貌有赫祀事孔明爰勒碑銘傳諸永久英魂如在時游桑梓之邦靈爽長存即表粉榆之社銘曰絳灌少文隋陸無武軍國異容夷險安堵烈烈張公折衝樽俎起家經術建牙開府始繇星使晉持繡斧時維逆梁稱肆侮進逼錦城至於江滸公也視師左桴右鼓殲渠獲醜復我疆字公當在蜀羗髻率從迨公還朝名高景鍾泊乎讀禮盜孽咨兗糾合水西進窺我墉蜂屯蟻聚四面環攻公秉節鉞再奏膚功有熊有虎如雷如風八千敵與淝水同孫盧授首方虎書庸比解戎機拂衣歸里西土既甯中州寇起岌岌孤城一時風靡公傾厥家

散金募士九攻雖迴一劍自矢馘斬屢聞賊迹旋徙我井我閭綏我父子齋
瘁維公遂乘箕尾公身雖歿公邑獲全維此邑人涕泗載言公功在民公神
在天請建專祠祝史告虔堂皇翼翼成寢孔安廊廡攸飭庖湑備焉潔我粢
盛烝我牲牲以陰以陽水瀟山顏風馬雲駟往來其間明德馨香垂千萬年
劉鴻業撰

烈女祠 舊志祀張氏女廂兒在王范鎮嘉靖十九年知縣李山建

禮儀

萬壽元旦冬至五鼓時各官朝服詣萬壽亭行慶賀禮三跪九叩三呼禮畢各
還衙門

日食月食設香案於縣堂上至期陰陽生報初食各官素服行禮僧道鼓樂環
遶救護報食甚各官素服行禮報復圓仍素服行禮乃退

鞭春先立春一日縣令率僚屬俱朝服迎春於東郊安芒神土牛於縣儀門外

三揖而退至日各官俱朝服祭芒神行三獻禮畢各官執綵仗隨縣令鞭春
環擊土牛者三鄉人爭取其土以為宜耳

耕藉之期遵欽天監選擇頒行各省同日舉行至期縣令及各官俱朝服齊集
先農壇行禮畢換蟒袍補服正印官秉耒佐貳播種耆老執青箱行耕時用耆
老一人牽牛農夫二人扶犁終畝收穫後將所收米穀用過梁盛數日造冊
詳報

祝文

維 年歲次 月 日某官等謹以牲帛酒醴庶品之儀致祭於

先嗇神農之神郵表暉之神貓虎坊之神水庸昆虫之神勅封護國驅蝗劉猛
將軍神位前曰惟神功參造化德司田疇福我農人螟蝗是仇

文廟禮儀見學校志

關帝廟前殿祭日各官齊集更衣具朝服贊禮引承祭官陪祭至行禮處站立

唱執事者各司其事贊陪祭官就位承祭官就位唱迎神各官行三跪九叩首禮畢唱行奠帛初獻禮禮生贊引承祭官詣盥手淨巾詣酒尊所司尊者舉觶酌酒司帛者捧帛詣

闕聖帝君神位前跪贊奠帛獻帛贊奠爵獻爵贊叩首興詣讀祝位贊跪衆官皆跪讀祝文畢行三叩首禮贊興復位禮生唱行奠帛亞獻禮如前儀復位唱行奠帛終獻禮如前儀獻帛獻爵畢唱興詣領福受胙位領福酒受福胙三叩首禮畢興復位禮生唱撤饌送行各官俱行三跪九叩首禮唱司尊者捧尊司帛者捧帛各詣燎所唱詣望燎位望燎復位禮畢各退

祝文

維 年歲次 月 日某官等謹以太牢牲醴庶品之儀致祭於闕聖帝君神位前曰惟神義正君臣恩全兄弟神武當時英靈萬世後殿祭自各官齊集禮生引承祭官陪祭官詣

洛甯縣志

卷八

壇廟志

十一

翊中石印館印

三代光昭公 裕聖公 成忠公位前行二跪六叩禮餘與前殿儀注同社稷山川風雲雷雨等壇凡遇祭期俱長官一員行三獻禮餘官止陪祭其齊戒省牲降神迎神盥洗奠帛初獻讀祝亞獻終獻飲福受胙謝神撤饌辭神望燎送神等禮均與

武廟同惟厲壇止行一跪三叩禮

社稷壇祝文

維 年歲次 月 日某官等敢昭告於

社神 稷神神位前曰惟神翊贊坤德庸保田功一方福佑萬代尊崇

山川風雲雷雨壇祝文

維 年 月 日 日某官等敢昭告於

風雲雷雨本境山川城隍土地之神位前曰惟神分司天道動靜陰陽調和造化福佑一方

洛甯縣志卷之八

政事部

營制

民壯附

驛舖附

周禮有鄉遂之兵郊甸之兵其法因井田而制軍賦後世兵農兩分民以養兵兵以衛民營制詳焉我

朝文德覃敷不忘武備有重臣節制有駐汛分防濬洹崇墉爰鞏苞桑之固矣崑為九寨雄區春秋以降螳鬪蠻爭踞為出入元魏未有洛西大都督崑東立義帥及防主戍主戍副警牙穿穴壁隍相望其後設縣移城營制稍弛明猶立洛甯城神頂白馬二寨守禦自二寨罷設城營亦裁汛兵僅十二名不敷守妮迺移嵩縣營把總駐焉巖邑一隅亦屹然保障矣民壯為古鄉兵遺意遵令申

洛甯縣志

卷八

營制志

十一

翊中石印館印

而練習之步戈既嫻可壯聲援而奮擊刺若官馬以通飛檄舖卒以遞公為數無多實與軍政相表裏故附載焉

洛甯縣分設把總一員駐防縣城隸嵩縣營守備轄存城字識一名馬兵二名守兵十六名河底鎮墩馬兵二名守兵三名高門關墩守兵四名界嶺墩守兵一名共馬守兵二十九名

馬名四名每名大建每月餉銀一两九錢米銀二錢五分五厘八毫五絲乾銀春冬一两夏秋九錢 小建每月餉銀一两八錢三分三厘三毫五絲米銀二錢四分七厘三毫二絲乾銀春冬九錢六分六厘六毫六絲夏秋八錢七分

守兵二十五名每名大建每月餉銀九錢七分米銀二錢五分五厘八毫五絲 小建每月餉銀九錢三分六厘六毫六絲米銀二錢四分七厘三毫二絲

民壯

洛寧縣額設民壯二十三名除撥 本府糧廳三名現存城二十名前分鳥鎗十六名弓箭四名於乾隆三十一年奉 文改習鳥鎗每月酌定初二十六日隨營操演除正月四月五月六月十二月照例停操外餘俱操演二次於乾隆四十二年奉 文改習鳥鎗十名藤牌單刀十名

驛舖

洛寧縣驛設驛馬二匹馬夫一名歲支工料等銀六十兩一錢一分遇閏加增見續通志

洛寧縣現設舖司十名

縣前總舖司六名

東路寨裡舖司六名

礪山舖司二名

洛寧縣志

卷八

營制志

十三

翊中石印館印

西路舊舖司

塢西舖 張村舖 小仇舖 寨裡舖 長水舖 桑樹嶺舖 崇陽舖

下峪舖 故縣舖

舊通盧氏縣今盧氏隸陝州舖司奉裁

洛寧縣志卷之八

政事部

郵政

禮王制孤獨矜寡四者天命之窮而無告者也皆有常餼瘠聾跛躄斷者侏儒百工各以其器食之周官蜡氏主掩骼除骴月令亦著於孟夏為令蓋所以體天地好生之心即聖人矜不成人敝帷敝蓋之意也

國家發政施仁恩周老廢澤及枯骨設普濟堂漏澤園各邑皆有之洛寧風俗醇厚士民多捐義地墾拋餽并種樹為表識禁牛羊踐踏雖但知佛家因果之說而惻隱為心亦王政所宜取焉吁樵採有禁鹿觸有刑著於史傳者多矣蘇文忠公在惠州出私錢以賑廢疾收殘骸存心於物必有濟非大君子所當則倣者乎

養濟院在縣治西南隅

洛寧縣志

卷八

郵政志

一

翊中石印館印

普濟堂在縣東門內雍正十二年邑人韋整建立捐銀一百九十兩乾隆元年奉

旨議叙給主簿職銜

育嬰堂在城西南隅雍正十三年知縣左懋源奉文建造房屋七間乳婦一名漏澤園三郭外俱置明鄉民李方相復於縣東十里許捐地起塚左長史王家相記

四鄉義塚地

王范里義塚地六區

底前里義塚地十區

底後里義塚地十一區

冀莊里義塚地四區

原村里義塚地二區

吳村里義塚地四區
陳宋里義塚地二區
楊坡里義塚地八區
東仇里義塚地六區
馮西里義塚地三區

洛甯縣志

卷八

郵政志

二

翊中石印館印

洛甯縣志卷之八

雜志上

既遵 郡伯鶴坪公安岳新志體分三大綱以統衆目例類相從義不紊亂凡纂志乘者可奉為圭臬矣 公所輯雜志周匝不漏亦倣為之即如洛甯災異昔無可稽見諸明史止二條舊志沿載近怪誠如 公雜志小序中所云傳述荒遠者舊志釋道四人方技一人既無類可從而恩蔭又為前代事應入雜志至各省志郡志向多以史事入曰大事記倣呂東萊胡致堂之體洛甯古嶠地春秋以降戰守事尤夥今備采之標其批亢擣虜扼要凡桑土之綢繆厝火之戒慎咸見於期未必不為講求邊瑣者一助而騷人賦客停驂憑弔亦可增其壯采豪情琳琅感慨焉他若明令于淵創建邑壇廟署 實有山林筆縷之功復懲徃代佔奪訐訟夙弊立地基碑詳紀規模丈尺使制有常而不變界有定而不侵具見深謀遠慮雖今昔興革各殊而修廢舉墜者按碣而稽猶凜然如

洛甯縣志

卷八

雜志

一

翊中石印館印

周官匠人尋步几筵之不可踰越未可以其似碑陰臚列體棄之故與廢署以類附至若宋康惠僎運疏恩蔭案及前後五老圖序張司馬異井記與論土寇流賊二書關邑文獻甚鉅恐久湮滅綴之于未謂之逸事也可謂之舊聞也可謂之拾遺亦可但無淆正志提綱絜目之體斯合矣

災異

明史宏治十四年洛甯地震有聲 萬曆二十三年癸巳夜洛甯有火光形如星大隕于西北

舊志明嘉靖四十三年地震有聲傾官民廬舍壓死人畜甚多 萬曆十三年

大旱 泰昌元年雨水冰

天啟間黑青遍見或擊人面齧人足 管山村謝家騾生駒 長水鎮婦人

一產三男三女 崇正十一年草有繫為人馬刀鎗形者 鳥有自北而

南飛鳴甚哀名曰半翅又曰沙鷄兵戈之兆 十一年木有結為人馬形者

十三年十四年大飢斗米銀二十兩斗麥銀十六兩民有父子母女夫妻相食者

釋道

幽巖禪師金石志有幽巖禪師碑在洛甯今不可考福照邑人性高潔持戒甚嚴見福昌寺碑記中

馬德超邑人金源將軍入元為襄樊師托疾辭官出家遠游至洛西尋峪見

山水林木之勝遂結菴其中以煉藥一日無疾而終

潘志和修持戒律撰金鏡錄洪道經諸書一百三十卷梓行焉

方技

陳周史邑諸生天文地理無不研究靈寶未變之前占天象語所親曰殺運方行人皆無首血流如川聞者驚怪以為誕未幾其言果驗

恩蔭

洛甯縣志

卷八

雜志

一

翊中石印館印

明宋紹先禮孫隆慶中河道侍郎萬恭追論禮開漕河功詔紹先蔭長河通判

張忠貴以父呂陣亡授宏農衛總旗世襲

馬長生以父熊陣亡授宏農衛總旗世襲

張瑄論嫡孫以平奢安功蔭錦衣衛指揮使世襲

大事記

春秋僖公三十三年晉人及姜戎敗秦師於殽

左傳文公三年秦伯伐晉濟河焚舟取王官及郊遂自茅津渡封殽尸而還

史記秦昭王初楚圍雍氏秦下師子崤以救韓

後漢書陳俊傳建武二年吳漢承制拜俊强弩大將軍別擊金門白馬皆破之

後漢書建武三年馮異大破赤眉于崤底

詳古蹟
回谿阪

後漢書建安十九年龐德破白騎於兩崤間

晉書大甯三年後趙石生屯洛陽劉曜使其黨趨孟津呼延謨自崤塞而東合諸軍攻洛陽

晉書興甯三年燕慕容恪略地至崤底

水經注晉義熙中劉公西入長安為舟師所屆次於洛陽命參將戴延之與府舍人盧道元郎舟溯流窮覽洛川知水軍可至之處

互見檀山塢下

水經注晉龍驤將軍王鎮惡從劉公入長安陸路經此

互見龍驤城下

通鑑綱目宋元嘉七年宋隨王誕遣雍州參軍柳元景將軍薛安都等將兵出宏農參軍龐季明年七十餘請入長安招集夷夏乃自貲谷入盧氏安都等因之自熊耳出

水經注宋書後軍外兵龐季明入盧氏進達高門木城

水經注龐季明入荀公谷

互見荀公谷下

通鑑綱目宋元嘉二十七年宋略陽太守龐法景諸軍入盧氏進攻宏農魏洛

洛甯縣志

卷八

雜志

三

翊中石印館印

州刺史張是連提帥衆二萬度崤救陝大敗宋柳元景斬張是連提遂入潼關

周書陳忻傳魏大統三年陳忻行新安縣事隨

諸將鎮遏伊洛間與李行

遠高仲密等依山合勢破東魏金門三城擒其金門三郡守

魏書大統五年高澄至洛同軌長史裴寬與彭樂戰為樂所擒

北史東魏元象元年周文燒營遁神武遣兵追至崤不及而還

通鑑綱目東魏武定五年侯景判東魏求救於魏宇文泰使同軌防主韋法保等引兵助之

魏書高歡自晉犯洛宇文泰遣將赴援魏至西走崤中

周書韓雄傳魏大統初韓雄與其屬六十餘人於洛西舉兵數日間衆至數千人與河南行臺楊琚共為犄角所向剋獲仍鎮洛西

周書獨孤信傳魏大統十六年大軍東討信率隴右數萬人至崤坂

周書韋孝寬傳東魏將段琛據宜陽孝寬出奇兵掩襲擒琛等崱澗遂清
唐書乾元上元間陝西神策兩節郭英又衛伯玉屯陝以李忠臣為兩軍兵馬
使戰洛寧莎柵與賊將李威義等數十遇威破之

唐書上元二年史思明以計敗李光弼兵於北邙援師棄河陽懷州京師震恐
益兵屯陝州思明遂西使朝義為先鋒身自宜陽繼進朝義攻陝敗於姜子
坂退壁洛寧

方輿紀要寶應初僕固懷恩等番漢兵討史朝義於東京軍於同軌城

宋史紹興二年以張玘攝知虢州偽齊安撫孟邦雄總管樊彥直據洛陽兵直
抵長水玘遣將陳俊等守白馬山謝臯守船板山梁通守錦屏山盡匿精銳
金兵深入戰東關三砦響應金兵潰玘率精兵三千一夜馳三百里黎明抵
河南郡雄就擒彥直遁去

宋史紹興三年岳飛遣楊再興至西京長水縣殺孫都統及統制滿石明日再

洛寧縣志

卷八

雜志

四

翊中石印館印

戰於孫洪澗破其衆復長水

宋史李彥仙傳為裨將戍崱澗間金再犯汴范致虛合西兵入援彥仙遮說曰
崱澗道隘難以衆進不若分兵而前留其半於陝可為後圖為石壕尉堅守
三觜民依之敵攻三觜彥仙設伏佯北敵追之分兵四出下五十餘壁遂復
陝州

元史至正十六年汝穎賊黨李武崔德等西陷陝州還斷崱函平章答失拔都
魯調察罕鼓行而西拔崱陵立柵交口

明巡撫常道立報守城疏略崇正六年流賊自澗池渡河將犯洛寧邑原任四
川巡撫張論料理城守招兵繕械殺賊無算

明史本紀崇正十三年十二月李自成自湖廣走河南饑民附之連陷宜陽洛
寧殺萬安王采鑿勢大熾

明史忠義傳流賊陷洛寧城知縣武大烈不屈灼燔以死舉人張瓚及子監生

祚延死之主簿魏國輔教諭任維清守備王世正百戶孫世英不屈死
舊志明洪武元年徐達常遇春大破元兵於洛水遂降河南破洛寧神頂寨

洛寧縣重修衙門廟宇地誌

作事必謀始古君子之道也洛寧諸衙門廟宇父老相傳舊址濶邃昧理者
以居近左右恃歲久兼碑誌無考或寢寢強占而為已有頻年以來孰能與
之辨乎正統乙丑晉陽石郡于侯德深奉上命來任貳尹不三載而民安政
成以是欽差巡撫河南都憲王公偕方兵重臣交章鶚剡于朝蒙特恩而尋
陞為令公暇積材庀工撤諸所而仍舊一新尚慮厲陷之梗復萌乃度以丈
尺詳著於下屬予鑄辭弁端勒石于廳傳之永久使後來為政之君子得知
某衙某廟東西濶幾許而南北長若干庶幾規模有常而不變焉詩曰靡不
有初鮮克有終于侯謀深慮遠之心其在是歟時同識歲月者則有貳尹慶
陽李公讓判簿鳳林郭公懋幕賓高涼吳公文斌云景泰改元歲紀上章敦

洛寧縣志

卷八 雜志

祥秋九月上吉日丁卯科鄉貢進士大梁艾俊用章書

自東向西開列

接官亭 長一十七丈南濶六丈
八尺北濶七丈二尺

五嶽廟 作三段北牆至臺南長二十七丈四尺南濶二十六丈六尺北濶二
尺中門至前街門長二十八丈六尺

真武廟 長一十五丈五
尺濶四丈一尺北濶四丈九尺

洛西書院 作二段北牆至十門長一十丈三尺濶九丈二尺中門
至前街門長一十八丈濶一丈六尺五寸

布政司 作二段北牆至前街門長一十八丈九尺北濶六丈二尺南濶六丈
七尺五寸西北角地一段長七丈九尺濶一丈九尺

按察司 長一十八丈八尺
濶一十一丈五尺

倉廩 作三段北牆至南牆長一十一丈五尺濶五十一丈三尺西南角地一
段長六丈四尺濶五丈四尺南牆至前街路一道長一十二丈濶一丈

館驛 長一十六丈
濶一丈六丈

洛甯縣署 長一丈五尺 東西長一丈八尺 南北闊一丈 舖

惠民藥局 長一丈五尺 南北闊一丈 舖

聖人殿 作二尺五寸 北牆至中門長四丈一尺 闊一丈九尺

儒學 作四尺三寸 後牆至中門長二丈六尺 闊一丈一尺 西宅長一丈

街門長三丈五尺 五丈

稅課局 長一丈四尺 闊一丈九尺 牆至中門長一丈二尺 闊一丈

城隍廟 作二丈二尺 後牆至中門長一丈九尺 闊一丈

陰陽學 長二丈七尺 南牆至中門長一丈九尺 闊一丈

關王廟 作三尺七寸 後牆至中門長一丈四尺 闊一丈

僧會司 上閭寺長三丈七寸 闊一丈五尺 南牆至中門長一丈四尺 闊一丈

道會司 作二丈七寸 長一丈五尺 闊一丈 南牆至中門長一丈四尺 闊一丈

判官廟 長八丈五尺 闊一丈 南牆至中門長一丈四尺 闊一丈

洛甯縣志

卷八 雜志

六

翊中石印館印

雷公廟 長四丈一尺 南牆至中門長一丈二尺 闊一丈五尺

社稷壇 長二丈四尺 闊一丈

山川壇 長一丈六尺 闊一丈

無祀鬼神壇 長二丈五尺 闊一丈

舊志廢署 附

舊布政司行署

按察司行署

舊府行署

舊縣丞署

舊主簿署

舊高門關巡檢署

舊崇陽關巡檢署

舊崱底巡檢署

舊洛寧守禦署

舊神頂寨守禦署

舊白馬寨守禦署

舊稅課局署

舊陰陽學

舊惠民藥局

舊僧會司

舊道會司

坊表 邑建坊多傾圮今據其現存者載之

明恩馳累代坊四川巡撫張論立在城西大街

節孝

儒童韋江妻譚氏坊在小珠村

國朝光祿大夫驍騎將軍程福亮坊在大宋里

節婦儒童吳玥妻金氏坊儒童孟灝妻雷氏坊儒童王藉妻李氏坊儒童徐

拱貴妻楊氏坊儒童徐璋妻張氏坊俱在城內貢生鎖去矜妻張氏坊廩生

鎖瑜妻任氏坊儒童張懷琮妻劉氏坊儒童李珍妻張氏坊俱在在禮村

生韋履禮妻廉氏坊韋履禧妻王氏坊廩生韋授妻常氏坊俱在寨子村宋

廷瑞妻尚氏坊在馬村街郭無爭妻余氏坊在余莊西街儒童張檢妻顏氏

坊在塢東村杜無偏妻李氏坊在東峯村楊克儉妻王氏坊在馬院村吉道

妻楊氏坊在張村儒童王欽妻陰氏坊在底前里程穀妻宋氏坊張元尹妻

李氏坊俱在大原村王玉妻趙氏坊曲登 坊俱在嶽山村

襍志下

始議會通河僨運疏

明 宋禮

臣惟海運糧儲每年五月太倉開洋直沽下卸待秋回京船隻多被捐壞亦有漂失不見下落者俱用修理補造分派江西湖廣浙江布政司並直隸徽州等府水便產木處所軍衛有司相兼修造俱限次年三月終完備駕赴太倉應用因限逼迫措料不及不免科歛鈔物買辦其間弊孔不可勝言造船惟顧目前之急不慮速成之患計其所資物料人工又難細舉且如造十料海船一隻須用百人駕使運米一千石若將用過人工物料估計價鈔可辦二百料河船二十隻每隻用軍二十名運糧四千石如將鎮鳳淮揚四府歲徵糧米定撥七十萬石赴徐州交納徐州並兗府糧米三十萬石赴濟寧交納差撥近河徐州等衛旗軍一萬名又委指揮千百戶管領工部撥與二百料淺船五百隻一如衛河事例將前項倉糧從會通河僨運供給北京每三

年海運二次使造船者無逼迫之患駕船者獲堅久之利以兩河並海運計之可得八百餘十年之間國有足食之備民無 擾之憂矣 永樂十年具奏十二年戶工二部會議自永樂十三年為始於裏河轉運將海運停止

宋康惠公恩蔭案

萬曆元年二月十八日工部題准總理河道兵部侍郎萬恭乞恩追錄一事案仰本道官吏照依咨案備奉欽依內事理即便會布政司備行洛甯縣將前工部尚書宋禮正派嫡長孫預先查取一人聽候明文至日具結轉文起送赴部送監肄業再將嫡次孫六人二人給與衣巾守墳奉祀四人給與衣巾令赴南旺宋公祠居住供辦香火專管奉祀本部院撥給附近湖地耕種永遠管業仍免其門丁雜派差役以示優恤再查宋公未入鄉賢候有贈謚之曰該縣刻立木主盛張鼓樂導引迎入鄉賢祠以彰崇報之意蒙此擬合就行為除會行布政司一體施行外仰抄案回縣着落當該官吏照依咨

備奉欽依內事理即將該縣前工部尚書宋禮正派嫡長孫預先查取一人聽候明文至日具結轉文起送赴部送監肄業再將嫡次孫六人二人給與衣巾堪守墳坵供辦香火專管奉祀四人給與衣巾令赴南旺祠居住專管奉祀聽候本部院撥給附近湖地十頃永遠管業仍 正派門丁雜派差役以示優恤再查宋公如未入鄉賢候有贈謚之曰該縣刻立木主盛張鼓樂導引迎入鄉賢祠以彰崇報之意俱毋違錯未便抄案依准申來右仰洛寧縣抄案

忘國家也今翁七十有九矣所偕五人皆齊年儷德無乃乃曰此生之言也
信哉

後五老圖序

國朝

張鼎延

吾永前此蓋有五老圖云於時方區無事海內乂安年穀順成兵革不試五老生逢全盛世際太平以仕宦之身擅高訾之業非策名於當代即食報於後賢用能怡老以適性情開樽而尋燕衍雖風流或乏而福履畧同至今託之詠歌繪諸圖畫百餘年來尚且傳為衣冠盛事乃者離亂洊經干戈甫定朝市更而元黃易城郭是而人民非凡我衣冠氏族父凡子弟其得保有壽命而永終天年復有幾人吾曹出自烽燧之餘備歷播遷之慘即今瓢笠無恙杖履依然幸得留此閒身可不相怡暮齒敢謂年高而德劭庶幾今是而昨非矧五人聲氣相符年齒不遠或登高而作賦或臨流而樂飢或載酒而行游或開筵而聚飲思伶倫之吹管則陟彼金門想神禹之叙疇則載升壇屋覽嶢嶢之勝則憶廣成棲真之所踞陽虛之頂則念蒼頡蝌蚪之文山巔水湄柳陰芳塢訪偃佺之靈蹟挹鍾呂之仙風坐對琅玕髣髴竹溪之逸行

吟清冷依稀洛社之英何妨共命為酒徒自此相從於老友藪可采也鮮可釣也紫雲可啜也玉版可供也詩篇可賡和也杯勺可留連也花鳥可侑純觴也烟霞可娛晨夕也將使百餘年後欽其流風餘韻展玩之間輒躍然慨慕曰吾永後五老圖也後五老為誰谷王鎖僉事青縉玉調張司馬鼎延舒陽雷令君鳴臯含樸韋令君炳克培趙孝廉廷桂也

異井記

張鼎延

崇正六年癸酉十一月流氛渡河犯永先大夫捐金八百募兵偕川將出奇計射殺者三殲者八十八生擒者二十二皆先大夫鼓勵力也賊遁月或一至至則家僮輒摧之甲戌先大夫歿川將亦去嗣是賊屢犯家僮輒遵先大夫遺授方畧環甲出禦賊輒怯乙亥正月十九日賊伏衆北原而以輕騎二百入縣川時歸德郡丞顏則孔署縣事仍鼓勵先大夫所練家僮張承芳張守才馬德進楊惟芝李三春楊羣星汪汝廂等啣枚趨之深入中伏皆死焉

至今烈烈有生氣賊亦咋舌去數年不敢近永者蓋有以陰禡音恥脫也其魄也
庚辰正月諸生趙君鳴鼎寥南門外豎坊書剋期期至四字十二月二十一
日賊自南陽來攻破宜陽獄徒牛可敬魏之明等暗勾賊於二十四日攻洛
三晝夜知縣武大烈守北城余守南城都司馬有義東城守備王正已西城
捍禦倍至二鼓時賊炮摧東城雉蝶皆頽尋火其門馬有義遁去人心懈余
猶煮粥給糧矢石如雨冷霧四集天黯淡不見人不移時而城陷此二十七
日四鼓時也賊登城縛武令喊聲如雷鳴殺人如麻挺刃交下余與僕人葉
鳴春被創馬道中昏欲絕鳴春強扶余曰事急矣舍傍有井此主僕死所也
遂掖余同沉焉水深五尺忽忽若有翼之起者井塌有坎僅容身水淹胸半
唯僵立待斃而已五鼓時賊燃竹炬照井大索既燼之屑落浮水面主僕甚
餓便取而啗音啖食也之得不死賊渠李自成傳呼遍索張進士不得隨移營王
范鎮繫闔縣士民于西關之空野下令使過堂萬安王及青衿百餘民千餘

皆被誅幸免者纔十數人大兒瑄二兒璿與馬余庶母石氏死井兒妻郭氏
死池余父讚詔等兄弟世延祚延等子侄琬珏等同殉者二十三人家僕張
有譽王澤綿等死者四十餘人明日午余困極井中立而寐頭露坎外為賊
兒所瞰大呼曰井中有人少傾賊黨三四輩繞井數匝取大石塊及木椽向
坎拋擲者久之呼賊兒曰縱有人必為泥乃相率去又明日晨一老嫗來汲
余私與僕曰若不言究竟溝瀆誰知者遂牽繩急呼嫗曰汝何人僕曰難人
也求救嫗曰吾老嫗力不能救乃繫梗於椿曰汝自挽而上僕奄奄餘息力
不勝數上數下余用賊擲木椽陟之昂之俾得出坎以上尋穿井舊跬方及
幕一賊携刃適至問老嫗此何人汝汲之必有弊嫗曰吾兒也桶落使下取
不見縵末繫桶乎何弊僕亦遽曰吾母使小人取桶無弊也賊信驅僕負糧
僕行一二武回視老嫗已忽不見噫誰家子而呼為吾兒誰家娘而呼為吾
母此一異也僕飢賊飯之俾負麥至王范行至城南洛河無人處逃去急渡

洛至金門川寨子寨下偶遇縣東溪源寨僕人王建國王汝祿等六七人持賊渠令箭為買馬問鳴春主何往春不取言蓋見王僕持箭牽馬恐其為賊用也建國等曰汝從主曰夜上城要汝何用春曰賊陷城刀棍交下誰知死所建國等仰天慟曰家主建溪源寨為我輩也今我何以報不覺矢聲春知其心無他乃密告以故相與謀夜深持令箭由南門詐稱入城飲馬數遇賊詰輒云以令箭得免至井王僕曰我等至矣余悸不敢應諸僕驚怪以為死葉僕從容微呼曰鳴春來余審聲音方敢應諸僕大喜縛橫木于繩縋一僕下坐余橫木上布絙脇下衆僕曳之出時漏三下矣街屍枕籍無行路仍由馬道沿南門轉東門賊尚熱火守門示以令箭遂離城西望城頭火光燭天余同諸僕拜謝入溪源寨不能起者五日辛巳正月初六日夜半心忽動且急隨攬衣趣謂王僕曰不容待矣接浙策蹇而去比東方白賊驅馬至寨下相索居人曰已去三日乃免嗚呼數當劫灰伊洛竭嵩嶽崩黔首炊骨相食

流血漂杵死者以百十億萬即余家骨肉不保首領者幾三十人獨兩兒弱齡陷寇卒獲瓦全余潛行斃井未遭逆闖荼毒而城陷之明年辛巳猶得奉^尊兩人柩歸葬舊壠天之所以福我者豈其微哉况井則有坎餓則食焦屑老嫗從何而至行賊隊中何以得令箭火光何物心動孰使之耶天平鬼神乎痛定思痛記憶前事如在夢寐尋以科道交薦撫按奉部咨屢催余雖登仕籍無念不在幕井下古人不去畏壘余敢忘焉順治八年冬

與撫臺論禦土賊書

張鼎延

今之禦土賊者動曰大兵未集難以下手兵集矣又慮糧饟不繼山險難運也饜湊矣賊且裹餼據嶺兵馬仰視無何即頓數萬騎于山下將焉用哉所以終曰言勦言撫究竟兩無當焉愚謂土賊不須多兵只消大營六七百騎足矣多則難持久也緊要擇有胆有識熟知地利如牛監記一二人重以事權崑練各州縣土著之兵與六七百騎習進止而協心力可攻可守此其大

頭顱也如李際遇于大忠中靖邦周加立姬之英等就中李于二賊為差強李賊殺人破寨與于賊相等尚未若于賊曾攻破宜陽新安二城洛寧大宋各寨之尤為兇慘不赦者也堂堂正正勦之為上若以撫言未有不能勦而能撫者撫之道兩言可決曰來曰散示以信票限以日期真正渠目果能歸命投誠羅門泣免我真實待之不死盡散脇從黨羽如龔遂之渤海鉅鈎為民 戈為賊十曰之間可以了當若不散即不撫也向見差役徃來因利為奸如蔣汝賢輩似不可過信以損其威墮其狡也勦之道亦兩言可決曰因曰搜李賊踞登之御寨于賊踞嵩之屏風寨負嵎阻險旁若無人然御寨有水無糧屏風寨積糧不下萬石幸而缺水缺馬皆可襲圍賊聞大勦非結聚死守必入箐遠竄兵至而賊去兵去而賊又來非久安之策也或預行分布各隣近州縣扼截賊之去路而以馬兵圍其寨待其困尅之而且因其糧不待計也若賊逃入深山止以六七百騎結營山麓之下壯步兵之聲援儲步

兵之糧糗藉為步兵之歸看即以各州縣鄉勇持七首或褲刀隨賊所向入山搜勦賊既無去路又難駐成擒必矣蓋勦大寇以步兵為營以騎兵出戰勦土賊以馬兵為營以步兵入山其勢殊也况嵩縣五民寨與夫洛甯各寨父子兄弟之被害者皆與賊積怨深怒勢不兩立如此三月而賊不滅巢不搗未之前聞至鄉勇似應各州縣自供糧饟而六七百騎之餉或河北協濟以及花紅賞需軍前必用皆不可不預為之計也

與撫臺論禦流賊書

張鼎延

寇困汴梁為持久計我兵株守河北前見劉鎮潰散已屬無益矣今秦兵將出關門東兵左兵果在何處此番關係不小延意萬萬不可輕戰或將各鎮分布信地叶以期會立定犄角之形自據不敗之地侍賊轉動分布會勦乃為完策秦兵出關或可屯駐鞏縣此古虎牢扼要地也東兵繇曹濮屯歸德左兵繇宛襄屯陳許大約各距省會三四百里亦為持久着數責令各鎮結

營堅壁相機操縱或疲之疑之間諜以搖之多方以悞之出不意以撓之而總以不浪戰為主賊即狡黠未必不瞻顧未必不驚擾而又豎招降以散其黨羽守要害以截其糧路賊將坐困而宵 必然之勢也賊勢一潰我力益合河北之兵運糧接濟可以無不得志否則既無以制其死命又無以亂其心志賊且習兵伎倆知我隔越而欲僥倖于萬一非計之得也天下安危在此一舉料台臺方畧素定延以避難客居不能瞻拜墳墓者年餘大同在漏舟乃敢布其狂愚如其可采幸台臺裁警焉